

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

IX. Aventure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie Siyrit
ze Wormez inbotseheste fuor.

IX. Auentiure.

Do si gevarn warn, vollen niwen tage,
do sprach der chone Hagene, nu merchet was ih sage,
ir soomt ouch mit den mären, ze Wormeze an den Rin,
die iuern boten solden, nu zen Burgonden sin.



Do sprach der kunich Gvnther. ir habt mir recht geseit.
nw bereitet ouch zer verte. ritter vil gemeit.
wande wir indisen ziten. ander niemen han.
der dar moge geriten. do sprach der obermwete man.

Nw wizzet lieber herre. ine bin niht bote gvot.
ich wil ouch eins bewisen. der ez doch gerne tvot.
Sivrit den chonen. solt ir iz niht verdagen.
durch iwer swester liebe. getarrer; iw nimmer versagen.


Er sande nach dem rechen. der herre chom zehant.
er sprach sit daz wir nahen. heim in miniv lant.
so solde ich boten senden. der lieben swester min.
vnt ouch miner mvoter. daz wir nw nahen an den Rin.

Des bitte ich ouch her Sivrit. daz ir die reise tvot.
daz ez mit mir verdiene. div edel maget gvot.
mit allen minen frivnden. ritter vil gemeit.
do sprach der degen chone. der reise bin ich iw bereit.

Nw enbietet swaz ir wellet. des wirdet niht verdaget.
durch die vil minneklichen. so wirt ez gar gesaget.
zwiv solde ih dir verzihen. die ich in hercen han.
swaz ir durch si gebietet. daz ist alles getan.

So sagt miner mvoter. vnt ouch der swester min.
daz wir an dirre verte. inhochem mvote sin.
lat wizen mine brveder. wie wir erworben han.
vnt ander unser frivnde. sol man div märe ouch horen lan.

Chriemhilde vnt mine mvoter. solt ir niht verdagen.
min vnt Prvnhilt dieneft. solt ir in beiden sagen.
vnt allem ir gesinde. vnt allen minen man.
dar nach ie ranc min herce. wie wol ich daz erworben han.



Vnt sagt och minen brodern. vnt andern frivnden min.
das si mit grozem vlize. dar zu gewarnt sin.
vnt sol in vnsern landen. diu märe wizen lan.
ich wil mit Prvnhilde. vil groze hochgecite han.

Vnt bitet mine swester. so si das habe vernomen.
das ich mit minen gesten. si zelande chomen.
das si mit vlize enpsahe. die trotinne min.
das wil immer mere. mit triwen dienende sin.


Do der vil chone reche. vrloupp von im genam.
vnt och von Prvnhilde. der ritter lobesam.
reit ingrozen freuden. ze Wormeze an den Rin.
ez enchunde in allen landen. ein bote bezzer niht gesin.

Mit vier vnt zweizech rechen. ze Wormeze er do reit.
des choniges chom er ane. do das wart geseit.
alles das gedigene. vor iamer heten not.
si vorhten das ir herre. dort beliben wäre tot.

Die helde erbeizet waren. vil hohe stvont ir mvot.
vil schier in chomen beide. die iwngv konige gvot.
vnt al das hofe gesinde. der herre Gernot sprach.
do er sinen broder. niht bi Sivride ensach.

Willechomen ritter edele. ir solt vns hören lan.
wair minen broder. den kunic habt verlan.
diu Prvnhilde sterche. in wän vns hat benomen.
so ist vns ir hohiv minne. harte schedelich chomen.

Iv edeln rechen beiden. vnt al den magen sin.
enbiotet sinen dieneft. der hergeselle min.
den lies ih wol gesunden. er hat mich her gesant.
zeboten mit den mären. das ich iv diu täte bekant.



Ir solt daz ahten schiere. swie so daz geschehe.
daz ich iwer mvoter. vnt iwer swester sehe.
die sol ich lazen horen. waz in enboten hat.
Gunther der chunic riche. des dinch inhohen eren stat.

Do sprach der iunge Giselher. da solt ir dar gan.
da habt ir miner mvoter. vil liebe an getan.
diu hat doch michel sorge. vmbe den brooder min.
si sehent iwech beide gerne. des solt ir gar ane angest sin.


Do sprach der herre Sivrit. swaz ich in dienen chan.
daz sol vil willechlichen. mit triwen sin getan.
wer sagt nu den frowen. daz ich wil dar gan.
daz twon ich sprach do Giselher. der vil wätlich man.

Der stolze chvone reche. zu siner mvoter sprach.
vnt och zu siner swester. da er si beide sach.
vns ist chomen Sivrit. der helt vñ Niderlant.
in hat min brooder Gunther. ze Rine her von im gesant.

Er bringet vns diu märe. wie; vmben chunich ste.
nu solt ir im erloben. daz er zehove ge.
er bringet diu rechten märe. her von Islant.
noch was den edelen frowen. vil michel sorgen bechant.

Si sprongen nach ir wäte. do leiten si sich an.
si baten Sivride. do hin zehove gan.
daz tet er willechliche. wand er si gerne sach.
Chriemhilt diu vil schone. zu zim do gvetlichen sprach.

Sit willechomen herre Sivrit. ritter lobelich.
war ist chomen min brooder. Gunther der kunic rich.
von Prunhilde sterche. den wän wir haben verlorn.
owe mir armen meide. daz ih danne ie wart geborn.



Do sprach der ritter chvone. nu gebt mir boten brot.
ir edeln ioncfrowen. ir wānet ane not.
ich lies in wol gefunden. daz ton ich iw bechant.
er vnt diu schone Prvnhilt. hant mich iw beiden her gesant.

Si enbietent iw ir dieneft. mit triven in daz lant.
vil richiv kuniginne. daz twon ih iw bechant.
nu lazet iwer weinen. si wellent schiere chomen.
sine het inlangen citen. so lieber māre niht vernomen.


Mit sne blanchen geren. ir ovgen wolgetan.
wifchte si nah trehenen. danchen si began.
dem boten dirre wāre. diu ir da waren chomen.
do was ir michel tvoren. vnt ovch ir weinen benomen.

Den boten bat man sizen. des was er bereit.
do sprach diu ioncfrowe. mir wāre niht ze leit.
ob ich zeboten miete. iw folde gebn min golt.
dar zo sit ir zeriche. ich wil iw fvs immer wefn holt.

Ob ich nu eine hete. sprach er drizzech lant.
so enpfienge ich doch vil gerne. gabe v; iwer hant.
do sprach diu minnekliche. nu sol ez sin getan.
si hiez ir kamerāre. nach der boten miete gan.

Vier vnt zweinzich povge. mit gefteine gvot.
die gab si im zemiete. do stvnt also sin mvot.
ern woldes niht behalden. er gab ez fa zehant.
ir nehstem ingefinde. die er zer chemenaten vant.

Ir moter bot ir dieneft. in gottlichen an.
ich sol iw sagen mere. sprach do der chvone man.
wes ovch der kunich bitet. fwenner nu chvmet her.
daz weller immer dienen. daz ir leistet finen ger.



Die sine richen geste. bitet er ouch wol enpfan.
des manter iwer vil fere. irn solt des ouch niht lan.
irn ritet im zegegene. for Wormez vf den sant.
des sit ir von dem kunige. mit grozen triwen gemant.

Do sprach die minnekliche. des bin ich vil bereit.
swaz ich im kan gedienen. daz ist im unverseit.
in vrontlichen triwen. so sol ez sin getan.
do merte sich ir varwe. die si vor liebe do gewan.


Ez enwart nie bote enpfangen. deheines forsten bas.
getorste si in chossen. die frowe tate daz.
wie rehte minnekliche. er von den frowen schiet.
do taten Burgonden. als in Sivrit do geriet.

Sindolt vnt Honolt. vnt Romolt der degen.
die musen vil unmuoze. zu den riten pflegen.
rihten daz gesidele. als in daz was bechant.
des kuniges ambetlote. man do mit arebeiten vant.

Ortwin vnt Gere. des richen kuniges man.
die sanden allenthalben. nach den frivnden dan.
vnt chynen in die hochgeite. die da solde sin.
da bereiten sich engegene. die vil schonen magedin.

Der palas vnt die wende. was alles vberal.
gezieret gegen den gesten. der Gunthers sal.
wart vil wol bezimbert. durch manigen vrenden man.
die selbe groze hochgeite. huop vil vrolichen an.

Do riten allenthalben. die wege durch daz lant.
der drier kunige mage. die het man besant.
daz si den solden warten. di in da wolden chomen.
do wart vs den chisten. richer wate vil genomen.



Do sagt man div märe. daz man nu riten sach.
den chonich mit sinen gesten. do hvoop sich vngemach.
von des volches chresten. in Burgonden lant.
hen was man sneller degene. bi frowen Prvnhilde vant.

Do sprach div schone Chriemhilt. ir miniv mägedin.
di an dem antpfange. mit mir wellen sin.
die svoochen v; den chisten. div aller besten chleit.
die si moegen finden. daz si den frowen oveh geseit.


Do chomen oveh die rechen. die hiezen tragen dar.
die herlichen sätele. nach rotem golde var.
die frowen solden riten. ze Wormeze an den Rin.
bezir pferit gereite. chunde ninder gesin.

Hen was da lichtes goldes. von den moren schein.
oveh lagen an den zoomen. vil manic edel stein.
die goldinen schemil. ob lichten psellen gvot.
braht man dar den frowen. si waren hohgvot.

Begvrtet mit den siden. vil schön vnt starch.
braht man den frowen. vil minneklichiv march.
div richen forboege. sach man div moren tragen.
von den besten siden. da von iv iemen chunde sagen.

Sehs vnt ahzech frowen. hiez man chomen dan.
die gebende troogen. ze Chriemhilde stan.
chomen di vil schonen. vnt heten lichtiv chleit.
do wart oveh wol gezieret. vil manich minneklichiv meit.

Fonfzech vnt viere. von Burgonden lant.
so waren ez die beste. die man zehove vant.
di sah man vale vahse. vnder lichten porten gan.
des Gunther an si gerte. daz wart mit vlize getan.



Von lichten richen pfellen. verre vo; heiden lant.
si trogen vor den gesten. so manie groot gewant.
das ir genwoege schone. ze rehte wol gezam.
er wäre inswachem mvote. der ir deheiner wäre gram.

Von zobel vnt oveh von harme. vil chleider man da vant.
da wart vil wol gezieret. manich arm vnt hant.
mit bougen ob den siden. die si da solden tragen.
iv enchvnde disse vlizen. zende niemen gesagen.

Vil manigen gortel spähén. groot vnt lanch.
vber vil richiv kleider. manie wizi hant do swanch.
vber roche Ferrans. vnt pfelle v; Arabin.
das si in al der werlde. bezzer nimmer chvnden sin.

Ez wart in sver gespenge. manie schoniv meit.
genät vil minnekliche. ez möht ir wesen leit.
der ir vil liehtiv varwe. niht lohte gegen der wat.
so schones ingesundes. no niht kuniges chvonne hat.

Do die vil minneklichen. no trogen ir gewant.
di si da svren solden. die chomen al zehant.
der hochgemvten rechen. ein vil michel chraft.
man trvg oveh dar mit schilden. vil manigen effchinen schaft.